

ANCI CONTRU TRUMMI

(Dedicata agli amici strumentisti del corpo bandistico "Città di Mistretta" per ricordare uno dei momenti aggreganti di fine stagione)

(Finale 07/2004)

Ogn'annu a settembri nni ncuntramu
i musicànti "*vecchi*" e, cuòm'i jatti,
u sañgu chi stigghioli nni manciàmu
cu fichit'e i purmuna mienzi cuòtti.

Ri scantu nu n ci-nn'è si-nn'affucamu
picchè nu-mmànca, nò, u muccunieddu
Pui, tutti cuòm-â missa, n'assittamu,
"*anci*" contru "*trummi*" a lu macieddu.

A verra è forte, loñga e cummattuta,
m'â "*trumma*" vinci sempri e nun nc'è vièrsu
e i "*l'anci*", e nun'è a prima vota,
pigghinu abbìli, ma è-ttiempu pièrsu.

Mariu Lutri, ch'è sùnatur'i trumma,
cû n'uocchiu vivu cci talìa i manu;
cû-ll'aufru u-bbucali senza scuma
chi ppui si cala com'un lavandinu

Iu l'aiuto, "*i trummi su trummi,*"
mentri Mario si etta nno-ddivanu
i "*l'anci*" si-nni vanu quasi urmi,
i trummi vòcinu, calcolatrici ê manu.

Lucio Vranca